

ՄԱՆԿԱՆ ՀԱԳՈՒՍՏԸ ՇԻՐԱԿԻ ԵՎ ԶԱՎԱԽՔԻ ՊԱՏՄԱԱԶԳԱԳՐԱԿԱՆ
ՇՐՋԱՆՆԵՐՈՒՄ (XIX դ. վերջ—XX դ. աղիգը)

Ս. Հ. ՊՈՂՈՍՅԱՆ

Ինչպես անցյալում, ներկայումս էլ ավանդութային տարազի ուսումնասիրությամբ զբաղվող մասնագետների ուղադրության կենտրոնում են տղամարդու և կնոջ տարազի համալիրները, մինչդեռ մանկան հագուստը մնացել է սովորում, թեև այն կազմում է ինքնատիպ մի խումբ, որի ազգագրական ուսումնասիրությունը առավել ամբողջական կդարձնեն տարազի զարգացման պատկերը: Մանկան հագուստը դիտվել և այժմ էլ դիտվում է որպես մեծահասակների հագուստի սոսկ կրկնություն և նմանակում, այդ պատճառով էլ հանդամանալի դիտարկման չի ենթարկվել:

Ազգագրական նյութերը թույլ են տալիս գալ այն եզրակացության, որ մանկան հանդերձանքը բնավ էլ մեծահասակների համապատասխան սեռատարիքային խմբի մեխանիկական կրկնությունը, պատճենը չէ: Նրեխայի կյանքի առանձին փուլերին համապատասխան նրա հագուստում դրսևորվել են տարիքային որոշակի առանձնահատկություններ: Առաջին փուլում նորածնի հանդերձանքը սեռատարիքային արտահայտված տարբերություններ չի ենթադրել: Մենդյան առաջին իսկ օրից նորածնին ձեռք ու ամուր փաթաթել են բարուրաշորերով ու խանձարուրով: Վերջինս, ըստ Վ. Հացունու, «...երկար երեզ մը, որ դառնալով կըպրկեր ամբողջ մարմինն՝ ըստ ընդհանուր սովորության»¹: Անցյալում նորածնի ռոժիտը կանխավ չի պատրաստվել, հավանաբար, երկնչել են դրանով անհաջողություն և փորձանք առաջ բերելուց: Սակայն արդեն ներկա դարի սկզբներին նկատվում է այս սահմանափակումը շրջանցելու միտում՝ առաջին հերթին, իհարկե, հարուստ խավերում:

Մանկան կյանքի առաջին փուլում հանդերձանք բարուր-բալուլը, որը կազմված էր որոշակի ձևի կտորներից (քառանկյունաձև, երկծալ կամ եռանկյունաձև ձևվածքով պող-բողից, հողշորից, հողլաթից, գլխի համար նախատեսված գլխաշոր-յափուղ-յաղմայից, երկարավուն ուղղանկյան տեսքով թևլաթից), առանձնանում էր ձևվածքի ու կառուցվածքի պարզությամբ: Անցյալ դարի վերջերին պատմական Շիրակում և Զավախքում, ինչպես նաև Հայաստանի պատմաազգագրական մյուս շրջաններում մանկան հագուստը գերազանցապես կարել են գործածված զգեստների կտորներից, որն, անշուշտ, առաջին հերթին ունեցել է կիրառական նշանակություն և միանգամայն բնական բացատրություն. այն փափուկ է ու հարմար նորածնի նուրբ ու զգալուն մաշկի համար, մյուս կողմից՝ մատչելի է և ավելորդ ծախսեր չպահանջող: Այս սովորության հիմքում նկատելի է նաև հնամենի պատկերացումների հեռավոր արձագանքը՝ հաղորդակցվելու, առնչվելու միջոցով (տվյալ դեպքում զգեստը լեբելով) աստնալ նախնիների հովանավորությունը, ժառանգել նրանց ուժն ու կորովը:

Մանկան տակաշորերը, ավանդույթի համաձայն, չեն նետել, և այն մասին, որ դա յուրեն սոսկ գործնական, կիրառական դեղ, վկայում է հետևյալ ասույթը. «Էին հողլաթ տան դովլաթ»² (հաջողություն ապահովող):

1 Վ. Հացունի, Դաստիարակությունը հին հայոց քով, Վենետիկ, 1923, էջ 18:

2 Ս. Պողոսյան, Դաշտային ազգագրական նյութեր, Շիրակ-Զավախք, 1982—1988 (Հնագիտության և ազգագրության ինստիտուտի ազգագրության բաժնի արխիվ):

3 Զ. Գեղամյան, Իմ մանկական հիշողությունները (Փորձ, 1877—1878, թիվ 2, էջ 289):

Նորածնի հանդերձանքում, նրան խնամելու սովորությունների համակարգում՝ նկատելի է բնական ցանկությունն ու հատուկ միտումն նպաստել երեխայի, մերջին հաջով, սերնդի առողջ զարգացմանը: Անցյալում ժողովուրդը իր պարզ, բայց հարյուրամյակների ընթացքում մշակված ու հղկված կենսակարգով ձեռք էր բերել ավանդական հմտություններ և այս ասպարհում, Շիրակում և Զավախքում նորածին (մոր մարմնի ջերմությունից զրկված) երեխային անհրաժեշտ ջերմություն ապահովելու նպատակով նրա տակ դնում էին կանխավ տաքացրած անմշակ (լամ), մաղած, փափուկ հող, որը խոնրի վրա կավե ամանի մեջ բովելուց հետո, հողշորի մեջ լցնելով և վրան փնելով հողաթի, երեխային դնում էին վրան: Ժողովուրդը հավատացած էր, որ դրանով նորածինը զերծ էր մնում աղեստամոքսային և ալլ հիվանդություններից: Մինչև քառասուն օրը երեխայի դեմքը, չլիսավորակա աչքերը ծածկում էին շերտով (ճլաթով), լույսի ուժեղ ազդեցությունից զերծ պահելու նպատակով: պատճառաբանելով, որ այն վատ է անդրադառնում մանկան լալքի լույսին՝ տեսողությանը: Ցանկանալով ապահովել մանկան մարմնի բարեկազմ, առողջ զարգացումը՝ երեխայի ոտքերն ու ձեռքերը ամուր և ուղղաձիգ կապում էին իրանին: Ի դեպ, աղջիկ երեխաներին նստել սովորեցնում են ավելի վաղ, ցանկանալով իրանի կոնքամասին տալ լայն ուրվագիծ, որը զեղեցկության տեղական ընկալման ինքնատիպ դրսևորում էր:

Մնվելուց մի քանի օր անց նորածնին հազցնում էին պարզագույն ձևաված շապիկ՝ բամբակյա կտորից, որն էլ հենց իր պարզության մեջ էր կատարյալ ու հարմարավետ (կարերն արվում էին խնամքով ու նրբությամբ, ձեռքով, ամրակ-կոճակ, չէր դործածվում՝ մանկան մաշկը չվնասելու մտավախությամբ): Երեխայի շապիկը առաջին անգամ հազցնում էին մկրտության օրը: Երբ Եկեղեցու տան ժամանակը ութօրյա է՝ մանկին, քն ինչպես է նկարագրվում հետոծման և նորածնի հանդերձակազմի արարողությունը նրուսադեմի՝ Ձեռագրատան 289 մատյանում (մկրտության կանոն): Քահանան, երեք անգամ խաչակնքելով երեխային, որոշակի բարեմաղթանքից հետո կնքահոր հետ այրում է հին շորերը և նորը հազցնելով ասում. «Հազցրու սրան հանդերձ փրկության և ուրախության պատմունձան», հետո գլխին դնում են կնգուղը՝ ասելով. «Դիր, Տէր, սաղաւարտ փրկութեան պսակ շնորհաց սրա գլխին», ապա կապում կարմիր-սպիտակ թելերից նարոտ: Վերջում ծածկում են սպիտակ հանդերձով, նորակնունք երեխային, այսպիսով հազցնում էին նոր սպիտակ հանդերձներ և առաջին հերթին՝ շապիկ: Կարծում են, պատահական չէ, որ շապահասներին ևս հազցնում էին երկար շապիկ:

Շիրակում և Զավախքում մանկան շապիկը կարում էին բամբակյա կտորներից, տնային պայմաններում: Անցյալում շապիկը ասեղնագործվում էր ոչ միայն գեղադիտական նկատառումներով, այլ գլխավորապես շար ուժերի վնասաբեր ազդեցությունից զերծ պահելու նպատակով: Ժամանակի ընթացքում մոռացվում է ասեղնագործ բանվածքների, զարդանախշերի բուն իմաստը, և շապիկը ասեղնագործվում էր սոսկ ավանդույթի ուժով, առանց խորամուխ լինելու դրա էության, խորհուրդների մեջ: Չարխափան նպատակներով շապիկին կարում էին հմայիլ-պահպանակներ, բազկին կամ գլխարկին ածրանցնում ժաշ-ուլունքներ՝ քաջ գիտակցելով դրանց դերը:

Մանկան խանձարուրդ, այն կապելու եղանակներն ու հմտությունները, կապված որոշակի բնակլիմայական, պատմական, սոցիալական միջավայրի հետ, տարբեր էին: Ընդհանրություններով, որոշ նմանություններով հանդերձ, ունեն էական տարբերություններ:

4. Դ եր ե ն ի կ ե պ ի ս կ ո պ ո ս, Մկրտություն և դրոշմ (կնունք), էջմիածին, 1938, էջ 9:

5. Նույն տեղում, էջ 27—28:

6. Վ. Բ ո ղ ո յ ա ն, Երկրագործական մշակույթի մի քանի հարցեր հայոց մեջ (Աշխատություններ Հայաստանի պատմության պետական թանգարանի, Երևան, 1951, էջ 78):

Մանկան խանձարուրը իր տիպով (փաթաթված, ավարտուն վիճակում) ուշագրավ զուգահեռներ է դրսևորում թաղման գլխավոր հանդերձանքի՝ պատանի հետ։ Այդ նմանությունը ակնհայտ է հայկական միջնադարյան մանրանկարներում արված ծննդյան և թաղման պատկերներում⁷։ Մեր կարծիքով, դա պատահական չէ, այլ ունեցել է որոշակի խորհուրդ։ Այսպես, 1) իմաստային ստուգանքայինությամբ խանձարուր, բարուր (բալուլ) բառերը նշանակում են նորածնին փաթաթելու շրջանը, ուշագրավ է նաև ունեցող կտորների ամբողջություն, 2) ընդհանրապես փաթույթ, 3) մահիճ, մահվան խանձարուր, 4) փխբ. ծնունդ, պատանի(ք) բառերը ևս ստուգաբանվում են որպես փաթաթանք, Այստեղ իմաստային ուշագրավ փոխհարկանցում գոյություն ունի։ Բացի այդ, պատանի և խանձարուրի դոյները ըստ աղագրական, բանահյուսական նյութերի ևս համընկնում են. դրանք, որպես կանոն, սպիտակ գույնի են եղել (մանրանկարներում դրանց գույների շամբընկնելը ունի զուտ կոմպոզիցիոն, դուռնային ինքնատիպ լուծման մեկնաբանություն), իսկ մեղ հայտնի է, թե վաղ անցյալում շատ էթնիկ ընդհանրություններ գոյություն ունեցող համակարգին ինչպիսի ծիսական իմաստ են վերադրել⁸։ Մյուս կողմից՝ թաղման և ծննդյան հանդերձները, ըստ տիպաբանական բնութագրի, դասվում են այսպես կոչված անկար հանդերձանքի շարքը, որոնք «փաթաթվել են իրանի շուրջը և որոնք պիտուի՝ են իբրև վաղնջառույն ժամանակների հագուստի օրինակներ»⁹։

Ծննդյան և թաղման հանդերձանքի նմանությունը գուցե բացահայտվում է նաև նրանով, որ գոյություն ունի ծննդյան և մահվան անխզելի կապ, և դա երկու բեռների հարատև հակադրվածության և միասնության գաղափարի դրսևորումներից է։ Գուցե դա այն հնամենի մտայնության (նախաքրիստոնեական) արգասիքն է, ըստ որի, մահը վերադարձ է մայր երկրի արգանդ, իսկ մարդը նույն կերպ է դիմավորում (ծնվելիս) և հրաժեշտ տալիս (մեռնելիս)՝ անդադրելով կյանքին։ Ի վերջո՝ ծննդյան և թաղման հանդերձանքը կիրառվում մեծ է դրել որոշակի կենսափոքրում, հնամենի սովորության համակարգով առաջնորդվող մարդկանց խումբը, որը, գործելով դարերի ընթացքում մշակված սովորութային անդուլտային համակարգի շրջանակներում, որոշակի ծիսականություն է հստակ դրսևորում։

Ներկայումս բժշկական լիցենզիայի պահանջով, գրականության էջերում ընդգծվում է այն միտքը, որ սխալ, նախնիական վերաճակար է երեխաներին բարորաշրթով ամուր փաթաթելը. ծննդյան օրից երկու ամիս, նույնիսկ երկու շաբաթ անց արդեն դրանք պետք է հանել։ Պատճառաբանվում է, որ ամուր փաթաթված երեխան չի կարող աղաթ շաքժվել, որը վատ է անդրադառնում մանկան թույլ զարգացած մկանային համակարգի վրա¹⁰։ Սակայն այսօր էլ հայ գյուղական միջավայրում շարունակվում են ձիգ, ամուր կապել նորածնին՝ ակնկալելով նրա օրգանիզմի առողջ աճն ու զարգացումը։ Միմիայն ունենում են ապրիտների համատեղ ջանքերով ու փորձերով կարելի գլխին գտնել երեխայի ֆիզիկական, հոգևոր, ներդաշնակ ու կատարյալ զարգացման համար

⁷ Հին հայկական մանրանկարչություն, Երևան, 1952, հ. 2 և 3-րդ, Հայկական մանրանկարչություն. Վասպուրական, Երևան, 1978, նկ. № 3, 10, 11, 13, 19, 28, 31, 38, 40, 67։

⁸ Բարուրաշիր-բարուրելնորածին երեխային բարոգի շրթերի մեջ փաթաթելու խանձարուրել (տե՛ս Ժամանակակից հայոց լեզվի բացատրական բառարան, հ. 1, Երևան, 1969, էջ 304), խանձարուր-մախիլի բալուլ-խանձարուր՝ փաթաթել արմատից (Նուրի տեղում, հ. 2, Երևան, 1972, էջ 481)։

⁹ Ю. Я. и с. «Происхождение вещей», М., 1954, с. 117; Н. И. Гаген-Форм. Женская одежда народов Поволжья, Чебоксары, 1960, с. 204—206; В. Тэрнар. Символ и ритуал, М., 1983, с. 8.

¹⁰ О. А. Сухарева, Опыт анализа покровов традиционной «туникообразной» среднеазиатской одежды в плане их истории и эволюции (Костюм народов Средней Азии, М., 1979, с. 99)։

¹¹ Մ. Մատոռչեկ, Երեխայի կյանքի առաջին տարին, Երևան, 1989, էջ 66—74։

անհրաժեշտ լավագույն եղանակներն ու պայմանները: Համենայն դեպս, անթույլատրելի է ազգային սովորություններից բխող առանձնահատկություններին, ժողովրդական կենսափորձի անգիտակից, միանշանակ անտեսումը, չէ՞ որ ազգային խառնվածքի, կերպարի ձևավորման կարևոր գործոնների շարքում որոշ դեր ունի նաև մանկան դաստիարակությունը («կրթությունը օրոքոցն էր սկսի»¹²): Անիմաստ չեն նաև մանկանը հանդերձավորելու եղանակները¹³:

Մանկան հագուստը որոշակիորեն կրել և կրում է մեծահասակների տարիքային խմբի գեղազիտական ճաշակի, ընտրության. ձգտումների ազդեցությունը, իսկ այդ հանգամանքը ապահովում է ինչպես հագուստի ավանդույթայնությունը, այնպես էլ նորի նկատմամբ որոշակի հակավածությունն ու ընկալունակությունը:

Մանկան հագուստի առաջին իսկ տարրերում դրսևորվում են սոցիալական տարբերություններ: Դրանք արտահայտվում են ունևոր խավերում մանկան օժիտի նախապես պատրաստմամբ, դրա կտորների տեսականու ընտրովիությամբ, թվակազմի հարստությամբ: Մական այս տարբերությունները որոշակի պայմաններում հետին պլան են մղվում՝ սոցիալական իրավիճակից: Այն ընտանիքներում, որտեղ երկար ժամանակ նորածինները, առանձնապես տղաները, մահանում են, մայրը նոր ծնված երեխայի համար շապիկի կտորներ է խնդրում, որպես կանոն, յոթ սոսկաբեղերից և դրանցից կարում երեխայի շապիկը: Այդ սովորույթը դիտարկվող շրջանի որոշ վայրերում հայտնի է «մատաղանա» (զահաբերություն) անունով: Հաճախ էլ տղաների մազերը մինչև յոթ տարեկան չեն խուզում, աղջկա շորեր են հագցնում՝ շար ուժերին շփոթեցնելու, հետ վանելու, նրանց վնասաբեր ազդեցությունը չեզոքացնելու նպատակով¹⁴: Ջավախքում, երբ երեխան վատառողջ էր, գողանում էին մի առողջ երեխայի շորերը և բարուրում նրան, կարծելով թե այդ միջոցով երեխան կառողջանա: Հաճախ էլ, այս կամ այն հիվանդությունից ձերբազատվելու միտումով, հիվանդ երեխայի շապիկը (նույնը և մեծահասակների հիվանդության դեպքում) տարել և թողել են սուրբ ծառի, խաչի կամ պաշտամունքային որևէ այլ օբյեկտի մոտ¹⁵:

6—7 ամսականից արդեն երեխային ազատել են բարուրաշորերից: Հաստատանում կատարված դիտարկումներից, բժշկական ուսումնասիրություններից պարզ է դարձել, որ երեխայի կյանքի համար վտանգավոր է համարվում և մահացություն բարձր տոկոս է դիտվում յոթ օրից մինչև 6 ամսական շրջանում¹⁶: Գուցե հենց այստեղ է, որ զգացվում է ժողովրդական փորձի և հմտությունների կիրառման պակասը:

Մանկան կյանքի հաջորդ փուլում նրա հագուստի կառուցվածքը համալրվում է նոր տարրերով. 6—7 ամսականից արդեն շապիկի հետ միասին հագցրել են և առանց ձագի վարտիքը, որն ավելորդ է դարձնում մանկան շորը հաճախակի փոխելու անհրաժեշտությունը: Սա ժողովրդական հմտու-

12 Վ. Հացունի, նշվ. աշխ., էջ 9:

13 Маргаред Мид, Культура и мир детства. М., 1968, с. 217—225.

14 Ի դեպ, նման սովորույթ դիտվել է և միջինասիական հրեաների մեջ (այդ մասին տե՛ս А. Амитик-Шапиро, Верования и обряды среднеазиатских евреев, связанные с материнством и ранним детством (Советская этнография, 1933, № 3—4, с. 163):

15 Ե. Լալայան, Ջավախք (Ազգագրական հանդես, դ. Ա, էջ 279): Վրաստանի պետ. թանգարանի ազգագրության ֆոնդում պահվում են տղա երեխայի շապիկ՝ սպիտակ կտավից, առջնամասը հարդարված րազմագույն մետաքսյա թելերով (№ 33—16) և գդակ (№ 33—16(2))՝ մանուկակազույն մետաքսից՝ զարդարված զրամներով, կոճակներով, ուլունքներով, հմայիլներով, շար ալբից պաշտպանելու համար: Գլխարկի վրայի արծաթյա գորտը և կխալուսինը լուսնային հիվանդություններից պաշտպանելու համար են:

16 Ձ. Գևորգյան, Մանկական մահացության հիմնական պատճառները և նվազեցման ուղիները (Առողջապահություն, 1987, № 5, էջ 14):

թյան մի ուսանելի արտահայտություն է, որը հաջողությամբ կարելի է կիրառել մեր օրերում:

Մանկան կյանքի հաջորդ փուլում իրենց զգացնել են տալիս որոշ սեռային տարբերակումներ և սահմանափակումներ: Աղջիկներին 2—3 տարեկանից հագցրել են երկարափեշ զգեստ, ձագով վարտիք, տղաներին՝ առանց ձագի վարտիք ու երկար շապիկ: Երկու դեպքում էլ գործածում էին հյուսածո կամ կտորե գոտիներ:

Գլխարկվող շրջաններում աղջիկների հիմնական հագուստը բամբակե կամ մետաքսե զգեստն էր: Ի դեպ, աղջկական հագուստի հնամենի օրինակը թվագրվում է XIII դարով և գտնվել է Անիի պեղումների ժամանակ՝ Հոնենց Տիգրանի փոքրիկ բարեկամուհու դամբարանից: Զգեստը հարդարված է կարմիր թելի շարակարերով: Գոտին մետաքսյա վարդաձև ժապավեն է, հարմարեցված ներսի կողմից և չի կապվել: Դա, ըստ Հ. Օրբելու, ունեցել է խորհրդանշային իմաստ¹⁷:

Համաձայն Բ. Առաքելյանի նկարագրի, Մաղկոցաձորի ննջեցյալ աղջկա «գլխին կապված է եղել սև գույնի մետաքսե և նուրբ շղարշ...»¹⁸: Սակայն, հենվելով ազգագրական նյութերի վրա, ենթադրում ենք, որ այն ոչ թե կապված է եղել գլխին, այլ դրանով ծածկել են դեմքը: Նախ, այն պատճառով, որ աղջիկների գլխի հարդարանքը շատ պարզ է եղել, մյուս կողմից, դա երևում է Բ. Առաքելյանի հետևյալ տողերից. «Շղարշը փտել է և նրա մի մասը պահպանվել է կպած դագաղի փայտին»¹⁹:

Ըստ դաշտային ազգագրական նյութերի, աղջիկների գլխի հարդարանքը պարզ էր և կազմված էր ընդամենը երկու կամ ավելի հյուսերին ամրացված ծամթելերից, հասարակ ուղունքներով զարդերից, իսկ տոն օրերին՝ ծաղկապսակներից:

Գլուղական միջավայրում, կապված կյանքի ու կենցաղի առանձնահատուկ պայմանների հետ, երեխաները (առանձնապես տղա) հաճախ կիսամերկ էին լինում՝ մինչև 5—6 տարեկան: Նրանք հիմնականում ոտաբոբիկ էին շրջում, ձմռանը հագնելով գույնզգույն թելերից հյուսած նախշուն գուլպաներ: Ըստ որում, եթե դեռահաս աղջիկների գուլպաները մինչև ազդերն էին հասնում և կապվում կապիչներով, ապա տղաներինը ավելի կարճ էին, մինչև ծունկը, Ի դեպ, նման գուլպաներ և գործած կամ կաշվե ներբանով մասփկներ էին հագնում նոր-նոր քայլել սովորող երեխաներին. դրանց ճկունությունը նպաստում էր քայլելուն: Որպես ոտնաման, աղջիկները հագնում էին դեղին մաս և կարմիր բաբուջ, իսկ պատանիները՝ տրեխ-չարուխ, տոն օրերին որոշ ընտանիքներում տղա երեխաներին հագցնում էին քաղաքում պատվիրված կաշվե ոտնաման՝ յամանի-էմենիներ:

7—8 տարեկան երեխաների հագուստը ուներ արտահայտված սեռատարիքային տարբերակում, և աստիճանաբար զգացվում էր՝ նրանց հագուստը մեծահասակների հանդերձանքին նմանակելու միտումը²⁰: Հայոց մեջ,

17 Հ. Օրբելի, Անտյ ավերակները, Վաղարշապատ, 1911, էջ 8—9: Տե՛ս նաև Բ. Առաքելյան, Քաղաքները և արհեստները Հայաստանում 9—13-րդ դարերում, Երևան, 1958, էջ 230:

18 Բ. Առաքելյան, նշվ. աշխ., էջ 280:

19 Նույն տեղում, էջ 280:

20 Ս. Զելինսկու՝ Ալեքսանդրապոլի գավառի գյուղերից մեկում գրառած մի գլուղական ընտանիքի բյուջեի նկարագրում տրված է աղջիկների համար պատրաստվող հագուստների, ազանների և գլխի հարդարանքի ցուցակը, ըստ որի աղջիկների համար հարկավոր էր բյազից մեկ երկարափեշ շապիկ, շիլայից՝ երկու վարտիք, լթից՝ կարճ արխալուզ (երկու տարվա համար), կապույտ բումազեթից՝ երկար արխալուզ, մի գույզ ոտնաման, ֆես, կոտ, գլխաշորեր, գոգնոց և գոտի, մի գույզ գուլպա: Աղջիկներից երկուսի համար նախատեսված էր նաև բամբակյա ներդիրով լթե արխալուզ [С. П. Зелинский, Экономический быт гора-
лорцев 2—6

դեռ վաղ շրջանից, առանձնապես հարուստ աղնվականները հոգ էին տանում իրենց «գլխերից» արտաքին վաճառության համար²¹։

Զավախքում շարխափան նպատակներով աղջիկների ծամերին կամ ֆեսի վրա ամրացվում էր երկմաս եռանկյունաձև դարձ կտորների պատառիկներ, հագնեցնելից, ուլունքներից, սաղափի կտորներից կարված։ Աղջիկների ֆեսի վրա ամրացվում էին սև թելափունջ, դրամներ, ուլունքներ ու հմալիկներ։

Դեռահասների հագուստը, ի տարբերություն երիտասարդ շամուսնացած հասուն համարվող աղջիկ-տղաների, նորահարսների ու նորափեսաների զգեստների, ավելի քիչ տարրեր է ընդգրկել՝ կապված գոյություն ունեցող սահմանափակումների, արգելքների հետ։ Դրանք կրելու իրավունք էին ձեռք բերում միայն տարիքային ավելի բարձր կաս ամուսնական խմբի մեջ ներգրավվելիս։ Այսպես, անցյալում, ամուսնանալիս, հաճախ հենց հարսանիքի առաջին օրից սկսում էին հագնել վերնազգեստի որոշ տարրեր (տղաները՝ չուխա, աղջիկները՝ զոգնոց և կապում էին արծաթյա զոտիկներ)։ Սակայն այս սահմանափակումները աստիճանաբար տեղի էին տալիս և հարուստ խավիքում XIX դ. վերջերից արդեն դրանք հեշտությամբ շրջանցվում էին։ Անցյալում հագուստը սոցիալ-ընտանեկան ցուցիչի դեր էր կատարում և հեշտությամբ կարելի էր աղջկան կնոջից տարբերել, քանի որ կանայք կրում էին գլխի բարձր հարդարանք, իսկ աղջիկները շրջում էին սևոսնոց գլխաշորի, իսկ հալոսն համարվողները՝ մի գլխաշորով։

Ըստ Պ. Բողատիրյովի²², մանկան հագուստը շունի նորածն հագուստի գործառույթ, սակայն համաձայն չենք այս կարծիքին, նկատի ունենալով դաշտային ազգագրական նյութերը և մանուկներին պատկանող լուսանկարային հավաքածուները, որտեղից պարզ երևում է, որ մանկան հագուստը (առանձնապես անցյալ դարի վերջերի) նորաձև է, փոխառնված եվրոպական ձևերից (կոստյում «մատրոսկա», կարճ վարտիք-շալվարներ և այլն), և դառնում է ժամանակ, երբ նրանց ծնողները հագել են կամ ավանդական, կամ աղանդականից հվրոպականին՝ անցումային ձևի հագուստներ։ Իսկապես, անցյալ հարյուրամյակի վերջերին դիտարկվող մարզի քաղաքային միջավայրում (Ալեքսանդրապոլ, Ախալցխա, Ախալքալաք)՝ արագորեն, իսկ գյուղական ունեղոր վերնախավի շրջանում՝ աստիճանաբար, եվրոպական մշակույթի և կենցաղի աղբյուրներով, մանկան հագուստում շոշափելիորեն նկատվում են եվրոպականացման, միօրինակացման միտումներ²³։

Այսպիսով, թեև մանկան հագուստը էթնիկական ցուցիչի դեր խաղալ չի կարող, այնուհանդերձ, դրա ազգագրական ուսումնասիրությունը օբյեկտիվորեն անհրաժեշտ է։ Այն որոշակիորեն արտահայտում է սոցիալական, սեռատարիքային տարբերություններ, որոնք կարևոր են ժողովրդական տարազի համալրի դարձացման ամբողջական պատկերի վերականգնման համար։ Մանկան տարազի դիտարկումը ունի ոչ միայն գիտական արժեք, որը յուրատեսակ բանալի է էթնիկական, սոցիալական երևույթների, առանձնապես հինավուրց սովորույթների ու հավատալիքների ծագման և զարգացման ուղու

ударственных крестьян в Шорагяло-Александропольском уезде Эриванской Губернии (Материалы экономического быта крестьян Закавказского края, Тифлис 1893, с. 75)]:

21 Վ. Հասունի, Հայուհին պատմության առջև, Վենետիկ, 1936, էջ 13։

22 Մ. Г. Богатырев, Функции национального костюма в Моравской Словакии (Вопросы теории народного костюма, М., 1971, с. 337—340)։

23 «Տարազի» էջերում հանդիպում են հայտարարություններ այն մասին, որ քաղաքային խավերները ստացել են տղամարդկանց և երեխաների ավերջին մոդայի զգեստներ, գները մատչելի են, Կամ էլ՝ «Ստացվել են ընտիր, ամեն ձևի՝ կանանց, տղամարդկանց և երեխաների համար Վիեննայի կոշիկներ»։ Անշուշտ, այս բոլորը վերնախավի մենաշնորհն էր (տե՛ս Տարազ, Թիֆլիս, 1907, էջ 205, 224)։

բայաճայտման համար, այլև ունի զգալի կիրառական նշանակություն, քանզի հագուստի որոշ տարրեր, մանկանը հանդերձափորելու, խնամելու մի քանի սովորական հմտություններ մեր օրերում էլ չեն կորցրել իրենց փոփոխականությունը:

ДЕТСКАЯ ОДЕЖДА В ШИРАКСКОМ И ДЖАВАХКСКОМ ИСТОРИКО-ЭТНОГРАФИЧЕСКИХ РАЙОНАХ

(конц XIX-начало XX вв.)

С. Г. ПОГОСЯН

Резюме

Детская одежда, хоть и не является этническим индикатором, она определенным образом выражает существенные социальные, половозрастные особенности. Детская одежда не есть механическое повторение соответствующей половозрастной группы взрослых (только в маленьких размерах).

На первом этапе жизни ребенка его одежда выделялась простотой покроя и структуры. Детские пеленки представляют собой интересные параллели с главным погребальным одеянием — с саваном.

Одежда подростков имела выразительную половозрастную специфику, и здесь чувствуется тенденция подражания костюму взрослых. Социально-имущественные различия в детской одежде переносились на второй план.

Уже с конца прошлого столетия под воздействием европейской культуры в детском одеянии четко наблюдались тенденции европеизации.